

黃帝素問靈樞集註卷之五

經脉第十

蓋

雷公問於黃帝曰禁脉之言凡刺之理經脉為始營其所行制其度量內次五藏外別六府願盡聞其道黃帝曰人始生先成精精成而腦髓生骨為餘脉為營筋為剛肉為濡皮膚堅而毛髮長穀入于胃脉道以通血氣乃行雷公曰願卒聞經脉之始生黃帝曰經脉者所以能決死生處百病調虛實不可不通

○肺手太陰之脉起于中焦下絡大腸還循胃口上膈屬肺從肺系橫出腋腋下循臑內行少陰心主之前下肘中循臂內上骨下廉入寸口上魚循魚際出大指之端其支者從腕後直出次指內廉出其端是動則病肺脹滿膨膨而喘欬缺盆中痛甚則交兩手而蒼

此為臂厥是主肺所生病者欬上氣喘渴煩心胸滿臑臂內前廉痛破掌中熱氣盛有餘則肩背痠風寒汗出中風小便數而欠氣虛則肩背痠寒少氣不足以息溺色變為此諸病盛則寫之虛則補之熱則疾之寒則留之

陷下則灸之不盛不虛以經取之盛者寸口大三倍于人迎虛者則寸口反小于人迎也

○大腸手陽明之脉起于大指次指之端循指上廉出合谷兩骨之間入兩筋之中循臂上廉入肘外廉上臑外前廉上肩出髃骨之前廉上出于柱骨之會上入缺盆絡肺下膈屬大腸其支者從缺盆上頸貫頰入下齒中還出挾口交人中左之右右之左上挾鼻孔是動則病齒痛頸腫是主津液所生病者目黃口乾靨咽喉痺肩前臑痛大指次指痛不用氣有餘則當脉所過者熱腫虛則寒慄不復為此諸病盛則寫之虛則補之熱則疾之寒則留之陷下則灸之不盛不虛以經取之盛者人迎大三倍于寸口虛者人迎反小於寸口也

○胃足陽明之脉起於鼻之交頰中旁納一本作約字太陽之脉下循鼻外入上齒中還出挾口環唇下交承漿却循頰後下廉出大迎循頰車上耳前過客主人循髮際至額顙其支者從大迎前下人迎循喉嚨入缺盆下膈屬胃絡脾其直者從缺盆下乳內

廉下挾膈入氣街中其支者起于胃口下循  
 腹裏下至氣街中而合以下髀關抵伏兔下  
 膝膕中下循脛外廉下足跗入中指內間其  
 支者下廉三寸而別下入中指外間其支者  
 別跗上入大指間出其端是動則病洒洒振  
 寒善呻數欠類黑病至則惡人與人聞木聲  
 則惕然而驚心欲動獨閉力寒膈而處甚則  
 欲上高而歌棄衣而走實聾腹脹是為肝厥  
 是主血所生病者狂瘡溫淫汗出衄衄口喝  
 唇腫喉痺大腹水腫膝膕腫痛循膈乳  
 氣街股伏兔肝外廉足跗上皆痛中指不用  
 氣盛則身以前皆熱其有餘于胃則消穀善  
 飢溺色黃氣不足則身以前皆寒懷胃中寒  
 則脹滿為此諸病盛則寫之虛則補之熱則  
 疾之寒則留之陷下則灸之不盛不虛以經  
 取之盛者人迎大三倍于寸口虛者人迎反  
 小于寸口也○脾足太陰之脉起于大指之  
 端循指內側白肉際過核骨後上內踝前廉  
 上踰內循脛骨後交出厥陰之前上膝股內  
 前廉入腹屬脾絡胃上膈挾咽連舌本散舌

下其支者復從胃別上膈注心中是動則病  
 舌本強食則嘔胃脘痛腹脹善噫得後與氣  
 則快然如表身體骨重是主脾所生病者舌  
 本痛體不能動搖食不下煩心下急痛泄  
 瘕泄水閉黃疸不能臥強立股膝內腫厥足  
 大指不用為此諸病盛則寫之虛則補之熱  
 則疾之寒則留之陷下則灸之不盛不虛以  
 經取之盛者寸口大三倍于人迎虛者寸口  
 反小于人迎也○心手少陰之脉起于心中  
 出屬心系下膈絡小腸其支者從心系上挾  
 咽繫目系其直者復從心系却上肺下出腋  
 下下循膈內後廉行太陰心主之後下肘內  
 循臂內後廉抵掌後腕骨之端入掌內後廉  
 循小指之內出其端是動則病嗌乾心痛渴  
 而欲飲是為臂厥是主心所生病者目黃脇  
 痛膈膈內後廉痛厥掌中熱痛為此諸病盛  
 則寫之虛則補之熱則疾之寒則留之陷下  
 則灸之不盛不虛以經取之盛者寸口大再  
 倍于人迎虛者寸口反小于人迎也○小腸  
 手太陽之脉起于小指之端循手外側上腕

出踝中直上循臂骨下廉出肘內側兩筋之  
 間上循膈外後廉出肩解繞肩胛交肩入  
 缺盆絡心循咽下膈抵胃屬小腸其支者從  
 缺盆循頸上頰至目銳眦却入耳中其支者  
 別頰上頰抵鼻至目內眦斜絡于頰是動則  
 病嗌痛頰腫不可以顧肩似拔膈似折是主  
 液所生病者耳聾目黃頰腫頰頰肩膊肘臂  
 外後廉痛為此諸病盛則寫之虛則補之熱  
 則疾之寒則留之陷下則灸之不盛不虛以  
 經取之盛者人迎大再倍于寸口虛者人迎  
 反小于寸口也○膀胱足太陽之脉起于目  
 內眦上額交巔其支者從巔至耳上角其直  
 者從巔入絡腦運出別下項循肩髀內挾脊  
 抵腰中入循督絡腎屬膀胱其支者從腰中  
 下挾脊貫臀入膕中其支者從膕內左右別  
 下貫腓挾脊內過髀樞循髀外從後廉下合  
 膕中以下貫踰內出外踝之後循京骨至小  
 指外側是動則病衝頭痛目似脫項如拔脊  
 痛腰似折髀不可以曲膕如結踰如裂是為  
 蹠厥是主筋所生病者痔瘡狂癩疾頭顛項

痛目黃淚出軌項背腰尻膈踣脚背痛小指不用爲此諸病盛則寫之虛則補之熱則疾之寒則留之陷下則灸之不盛不虛以經取之盛者人迎大再倍于寸口虛者人迎反小于寸口也○腎足少陰之脉起于小指之下邪走足心出于然谷之下循內踝之後別入跟中以上踣內出膈內廉上股內後廉貫脊屬腎絡膀胱其直者從腎上貫肝膈入肺中循喉龍扶舌本其支者從肺出絡心注胸中是動則病飢不欲食面如漆紫欬唾則有血嗚咽而喘坐而欲起目眈眈如無所見心如懸若飢狀氣不足則善恐心惕惕如人將捕之是爲骨厥是主腎所生病者口熱舌乾咽腫上氣噎乾及痛煩心心痛黃疸腸澀脊股內後廉痛痿厥嗜臥足下熱而痛爲此諸病盛則寫之虛則補之熱則疾之寒則留之陷下則灸之不盛不虛以經取之灸則強食生肉緩帶被髮大杖重履而安盛者寸口大再倍于人迎虛者寸口反小于人迎也○心主手厥陰心包絡之脉起于胸中出屬心包

絡下膈歷絡三焦其支者循胸出脇下腋三寸上抵腋循膈內行太陰少陰之間入肘中下臂行兩筋之間入掌中循中指出其端其支者別掌中循小指次指出其端是動則病手心熱臂肘掌急腋腫甚則胸脇支滿心中憺憺大動面赤目黃善笑不休是主脉所生病者煩心痛掌中熱爲此諸病盛則寫之虛則補之熱則疾之寒則留之陷下則灸之不盛不虛以經取之盛者寸口大一倍于八迎虛者寸口反小于人迎也○三焦手少陽之脉起于小指次指之端上出兩指之間循手表腕出臂外兩骨之間上貫肘循膈外上肩而交出足少陽之後入缺盆布膈中散落心包下膈循屬三焦其支者從膈中上出缺盆上項繫耳後直上出耳上角以屈下頰至頰其支者從耳後入耳中出走耳前過客主人前交頰至目銳皆是動則病耳聾渾渾焯焯噎腫喉痺是主氣所生病者汗出目銳皆痛頰痛耳後肩膈肘臂外皆痛小指次指不用爲此諸病盛則寫之虛則補之熱則疾

之寒則留之陷下則灸之不盛不虛以經取之盛者人迎大一倍于寸口虛者人迎反小于寸口也○膽足少陽之脉起于目銳眥上抵頭角下耳後循頸行手少陽之前至肩上却交出手少陽之後入缺盆其支者從耳後入耳中出走耳前至目銳眥後其支者別銳眥下大迎合于手少陽抵于頰下加頰車下頸合缺盆以下胸中貫膈絡肝屬膽循脇裏出氣街繞毛際橫入髀厭中其直者從缺盆下腋循胸過季脇下合髀厭中以下循髀陽出膝外廉下外輔骨之前直下抵絕骨之端下出外踝之前循足跗上入小指次指之間其支者別跗上入大指之間循大指歧骨內出其端運貫爪甲出三毛是動則病口苦善大息心脇痛不能轉側甚則面微有塵體無膏澤足外反熱是爲陽厥是主骨所生病者頭痛領痛目銳眥痛缺盆中腫痛腋腫馬刀俠瘻汗出振寒瘡胸脇助髀膝外至脛絕骨外踝前及諸節皆痛小指次指不用爲此諸病盛則寫之虛則補之熱則疾之寒則留

之陷下則矣之不盛不虛以經取之盛者人迎大一倍于寸口虛者人迎反小于寸口也○肝足厥陰之脉起于大指叢毛之際上循足跗上廉去內踝一寸上踝八寸交出太陰之後上膈內廉循股陰入毛中過陰器抵小腹挾胃屬肝絡膈上貫膈布脇肋循喉嚨之後上入頰頰連目系上出頰與督脉會于巔其支者從目系下頰裏環唇內其支者復從肝別貫膈上注肺是動則病腰痛不可以俛仰丈夫癩疝婦人小腹腫甚則嗝乾面塵脫色是肝所生病者胸滿嘔逆飧泄狐疝遺溺閉癢爲此諸病盛則寫之虛則補之熱則疾之寒則留之陷下則灸之不盛不虛以經取之盛者寸口大一倍于人迎虛者寸口反小于人迎也○手太陰氣絕則皮毛焦太陰者行氣溫于皮毛者也故氣不榮則皮毛焦皮毛焦則津液去皮節津液去皮節者則爪枯毛折毛折者則毛先死丙篤丁死火勝金也○手少陰氣絕則脉不通脉不通則血不流血不流則髮色不澤故其面黑如漆赤者血

先死壬篤癸死水勝火也○足太陰氣絕者則脉不榮肌肉唇舌者肌肉之本也脉不榮則肌肉軟肌肉軟則舌萎人中滿人中滿則唇反唇反者肉先死甲篤乙死木勝土也○足少陰氣絕則骨枯少陰者冬脉也伏行而濡骨髓者也故骨不濡則肉不能著也骨肉不相親則肉軟却肉軟却故齒長而垢髮無澤髮無澤者骨先死戊篤己死土勝水也○足厥陰氣絕則筋絕厥陰者肝脉也肝者筋之合也筋者聚于陰氣而脉絡于舌本也故脉弗榮則筋急筋急則引舌與卵故唇青舌卷卵縮則筋先死庚篤辛死金勝木也五陰氣俱絕則目系轉轉則目運目運者爲志先死志先死則速一日半死矣六陽氣絕則陰與陽相離離則腠理發泄絕汗乃出故旦占夕死夕占旦死經脉十二者伏行分肉之間深而不見其常見者足太陰過于外踝之上無所隱故也諸脉之浮而常見者皆絡脉也六經絡手陽明少陽之大絡起于五指間上合肘中飲酒者衛氣先行皮膚先充絡脉絡

脉先盛故衛氣已平營氣乃滿而經脉大盛脉之卒然動者皆邪氣居之留于本末不動則熱不堅則陷且空不與衆同是以知其何脉之動也雷公曰何以知經脉之與絡脉異也黃帝曰經脉者常不可見也其虛實也以氣口知之脉之見者皆絡脉也雷公曰細子無以明其然也黃帝曰諸絡脉皆不能經大節之間必行絕道而出入復合于皮中其會皆見于外故諸刺絡脉者必刺其結上甚血者雖無結急取之以寫其邪而出其血留之發爲浮也凡診絡脉脉色青則寒且痛赤則有熱胃中寒手魚之絡多青胃中有熱魚際絡赤其暴黑者留久痺也其有赤有黑有青者寒熱氣也其青短者少氣也凡刺寒熱者皆多血絡必間日而一取之血盡而止乃調其虛實其小而短者少氣甚者寫之則悶悶甚則仆不得言悶則急坐之也○手太陰之別名曰列缺起于腕上分間並太陰之經直入掌中散入于魚際其病實則手銳掌熱虛則欠故小便遺數取之去腕半寸別走陽

明也○手少陰之別名曰通里去腕一寸半  
 別而上行循經入于心中繫舌本屬目系其  
 實則支膈虛則不能言取之掌後一寸別走  
 太陽也○手心主之別名曰內關去腕二寸  
 出于兩筋之間循經以上繫于心包絡心系  
 實則心痛虛則為頭強取之兩筋間也○手  
 太陽之別名曰支正上腕五寸內注少陰其  
 別者上走肘絡肩髃實則節弛肘廢虛則生  
 疣小者如指加芥取之所別也○手陽明之  
 別名曰偏歷去腕三寸別入太陰其別者上  
 循臂乘肩髃上曲頰偏齒其別者入耳合于  
 宗脉實則齒齲虛則齒寒痺隔取之所別也  
 ○手少陽之別名曰外關去腕二寸外達臂  
 注胸中合心主病實則肘掌虛則不收取之  
 所別也○足太陽之別名曰飛陽去踝七寸  
 別走少陰實則靴<sup>第五</sup>室頭背痛虛則靴<sup>第五</sup>取之  
 所別也○足少陽之別名曰光明去踝五寸  
 別走厥陰下絡足附實則厥虛則痿坐不能  
 能起取之所別也○足陽明之別名曰豐隆  
 去踝八寸別走太陰其別者循脛骨外廉上

絡頭項合諸經之氣下絡喉嗑其病氣逆則  
 喉痺瘁瘡實則狂顛虛則足不收脛枯取之  
 所別也○足太陰之別名曰公孫去本節之  
 後一寸別走陽明其別者入絡腸胃厥氣上  
 逆則霍亂實則腸中切痛虛則鼓脹取之所  
 別也○足少陰之別名曰大鍾當踝後繞跟  
 別走太陽其別者并經上走于心包下外貫  
 腰脊其病氣逆則煩悶實則閉瘖虛則腰痛  
 取之所別者也○足厥陰之別名曰蠡溝去  
 內踝五寸別走少陽其別者徑脛上累結于  
 莖其病氣逆則畢腫卒疝實則挺長虛則暴  
 癢取之所別也○任脉之別名曰尾翳下鴻  
 尾散于腹實則腹皮痛虛則癢接取之所別  
 也○督脉之別名曰長強挾脊上項散頭上  
 下當肩胛左右別走太陽入貫脊實則脊強  
 虛則頭重高搖之挾脊之有過者取之所別  
 也○脾之大絡名曰大包出淵腋下三寸布  
 胸脇實則身盡痛虛則百節盡皆縱此脉若  
 羅絡之血者皆取之脾之大絡脉也凡此十  
 五絡者實則必見虛則必下視之不見求之

上下人經不同絡脉異所別也

替音頰如旁脾音脾音憺憺音邪與并焯  
 焯上音焯也

黃帝素問靈樞集註卷之五